

Om forvaltning og handheving av alkohollova

Vedtak: Giske kommunestyre 24.09.15, k.sak 068/15.

Innhold

0	Alkohollova – føremål (§1-1).....	3
1	Lovverk	3
2	Retningslinjer for forvaltning av alkohollova i Giske kommune.....	4
2.1	Vilkår knytt til sals- og skjenkeløyve.....	4
2.1.1	Ølsal i butikk	5
2.1.2	Skjenkeløyve ved skjenkestader.....	5
2.1.3	Skjenketider i Giske	6
2.2	Definisjonar – driftskonsept for skjenkestader	6
2.3	Rusfrie arrangement.....	7
2.4	Skjenking utandørs	8
2.5	Ambulerande skjenkeløyve og skjenking ved einskilde høve	8
2.6	Omsyn ved saksbehandling av søknader om sals- og skjenkeløyve.....	9
2.7	Gebyr, kontroll, reaksjonar.....	9
2.7.1	Generelt.....	9
2.7.2	Gebyr for sal og skjenking	10
2.7.3	Kontroll med sals- og skjenkeløyve	10
2.7.4	Reaksjonar ved brot på forskrifta.....	11
2.7.5	Rettleiande reaksjonsmønster ved brot på lov og forskrift	11
2.7.6	Reaksjonsmønster i Giske kommune	12
2.8	Delegering av mynde i Giske kommune.....	13
2.8.1	Generelt om delegering.....	13
2.8.2	Delegering av mynde i saker etter alkohollova	14
	Vedlegg:.....	16
	RETNINGSLINER FOR TILDELING AV AMBULERANDE SKJENKELØYVE.....	16

0 Alkohollova – føremål (§1-1)

”Reguleringen av innførsel og omsetning av alkoholholdig drikk etter denne lov har som mål å begrense i størst mulig utstrekning de samfunnsmessige og individuelle skader som alkoholbruk kan innebære. Som et ledd i dette sikter loven på å begrense forbruket av alkoholholdige drikkevarer.”

1 Lovverk

Følgjande lovverk står sentralt ved forvaltning og handheving av alkohollova:

- [LOV 1989-06-02 nr 27](#): **Lov om omsetning av alkoholholdig drikk m.v. (alkohollova)** legg retningslinjer for forvaltning og handheving av sal og skjenking av alkohol. Føremålet er å avgrense de samfunnsmessige og individuelle skader som alkoholbruk kan innebære.
- [FOR-2005-06-08-538](#) **Forskrift om omsetning av alkoholholdig drikk mv.**
- **Kommentarutgåve:** [Håndbok i alkoholloven m.v. - Rundskriv IS - 5/2008](#) - Lov om omsetning av alkoholholdig drikk m.v.

Her følgjer utdrag frå alkohollova:

Definisjonar (§ 1-3):

- alkoholholdig drikk **gruppe 1**: drikk med meir enn 2,5 og høgst 4,7 volumprosent alkohol
- alkoholholdig drikk **gruppe 2**: drikk med meir enn 4,7 og mindre enn 22 volumprosent alkohol
- alkoholholdig drikk **gruppe 3**: drikk som inneheld frå og med 22 til og med 60 volumprosent alkohol

Aldersgrenser (§1-5):

- Gruppe 1 og 2: 18 år
- Gruppe 3: 20 år

Alkoholpolitisk handlingsplan (§1-7d):

Kommunen skal ha ein alkoholpolitisk handlingsplan.

Løyveperiode (§1-6):

Kommunen gjev løyve til sal og skjenking av alkohol. Løyve i gruppe 2 og 3 kan gjevast for inntil 4 år ad gangen, med opphøyr seinast 30. juni året etter at nytt kommunestyre tiltrer.

Tildeling av løyve (§ 1-7):

Før kommunestyret eller den dei gjev mynde til, avgjer løyve, skal det hentast inn uttale frå sosialtenesta og politiet. Det kan og hentast uttale frå skatte- og avgiftsmyndighetene.

Ved vurdering av om løyve skal gjevast kan kommunen legge vekt på bl.a.:

- Tal på sal- og skjenkestader
- Staden sin profil og plassering
- Målgruppe
- Trafikk- og ordensmessige tilhøve
- Næringspolitiske omsyn
- Omsynet til lokalmiljøet elles

Kommunen kan og bestemme om det skal setjast tak på tal på løyve til sal eller skjenking.

Kommunen skal ha kontroll med sine sals- og skjenkeløyve. Ved overtreding av vilkåra for løyvet, kan kommunestyret eller den med delegert fullmakt, inndra løyvet for kortare eller lengre tid.

Løyvehavar og personar med stor verknad på drifta skal ha plettfri vandel i høve til lovgjeving som har samanhang med alkohollova sitt føremål, skatte- avgifts- og rekneskapslovgivinga. Slike omsyn skal ikkje vere eldre enn 10 år.

Styrrar og stedfortreder (§1-7c):

Kvart løyve skal ha ein godkjent styrrar med stedfortreder over 20 år som er tilsett på sals- eller skjenkestaden eller arbeide ved verksemda. Desse må ha fullført kunnskapsprøva i alkohollova og serveringslova. Krav til kunnskapsprøve gjeld ikkje ved tildeling av ambulerande løyve eller ved løyve for eit einskilt høve.

Tid for sal og skjenking av alkohol (§4-4):

Skjenking av alkohol i gruppe 3 kan skje frå kl. 13-24. Skjenking av anna alkoholgruppe kan skje kl. 08-01. Skjenking i gruppe 3 er forbode kl. 03 – 13. Skjenking av alkohol i gruppe 1-2 er forbode mellom kl. 03-06.

Ambulerande løyve (§4-5):

Kommunestyret kan gje ein eller fleire løyver som ikkje er knytt til person eller skjenkestad.

2 Retningsliner for forvaltning av alkohollova i Giske kommune

2.1 Vilkår knytt til sals- og skjenkeløyve

Giske kommunestyre har gjennom Rusmiddelplan for Giske og alkoholpolitiske retningsliner for Giske kommune fastsett gjeldande retningslinjer for forvaltning av alkohollova i Giske kommune i butikkar og ved spise- og skjenkestader.

2.1.1 Ølsal i butikk

Salsløyve for øl

Løyve er gitt for inntil 4 år. Den som har fått løyve til sal av øl, plikter å sjå til at den som sel øl og den som øl blir selt til er fylt 18 år. Sal og utlevering av øl skal gå føre seg på ein slik måte at skadeverknadene blir avgrensa og alkoholpolitiske og sosiale omsyn blir ivaretekne. Sal og utlevering av øl må ikkje skje til person som er rusa. Kommunestyret pålegg daglegvarebutikkane å få til ei skjerming av ølsalet.

For at ovanstående omsyn skal bli ivaretatt på ein tilfredsstillande måte, har Giske kommunestyre vedtatt følgjande:

Salstid for øl i butikk

Salstid for øl i butikk er frå kl. 08.00 – 20.00 (18.00 før søn- og heilagdagar). Dette gjeld ikkje dagen før Kristi Himmelfartsdag, jf. § 3-7 i alkohollova. Dette tilsvarar maksimaltida i alkohollova. Ølet skal vere gjennom kassaapparatet før kl. 20.00 på kvardagar og kl. 18.00 på dagar før søn- og heilagdagar.

2.1.2 Skjenkeløyve ved skjenkestader

Skjenkeløyvet ved skjenkestadene i Giske kan gjelde ein, fleire eller alle typar alkoholhaldige drikker, jf. § 4-2. Skjenkeløyvet kan omfatta desse kombinasjonane:

- alkoholhaldig drikk **gruppe 1**: drikk med meir enn 2,5 og høgst 4,7 volumprosent alkohol
- alkoholhaldig drikk **gruppe 2**: drikk med meir enn 4,7 og mindre enn 22 volumprosent alkohol
- alkoholhaldig drikk **gruppe 3**: drikk som inneheld frå og med 22 til og med 60 volumprosent alkohol

Det skal ikkje innvilgast løyve til skjenking av sterkøl, noko ein grunngir med edruskapsmessige omsyn.

Opningstider ved serveringsstader

Alle skjenkestader må også ha serveringsløyve. [Serveringslova](#) § 15 seier at det er opp til kommunen ved eigen forskrift å bestemme opningstid for serveringsstaden, elles kan ein halde opent så lenge ein vil med unntak i lovverket om heilagdagsfred. Opningstid og skjenketid bør vere samstemt. Det er ikkje høve å skjenke alkohol seinare enn 30 min. før stengetid.

Maksimale opningstider for serveringsstader i Giske er sett til

- **bensinstasjonar og kioskar**: Inga avgrensing i opningstid med unntak sett i Alkohollova og i Lov om heilagdagsfred
- **kafear, restaurantar, pubar og diskotek**: kl. 06.00 – 04.00.
MERK: Andre tider gjeld for skjenketid enn mogleg opningstid.

2.1.3 Skjenketider i Giske

Følgjande skjenketider gjeld for Giske kommune (både ved faste, tidvise og ambulerande løyve):

Gruppe 1 og 2 kl 06.00-02.00

Gruppe 3 kl 13.00-02.00

Dersom ein gjev løyve til å skjenke vin eller brennevin, må ein også gje løyve til å skjenke svakare alkoholhaldig drikk. Ved vurdering om løyve bør gjevast, skal det leggjast vekt på kva type verksemd det er, lokalisering, målgruppe, trafikk- og ordensmessige tilhøve, næringspolitiske omsyn og omsynet til lokalmiljøet elles.

Føresetnaden for løyve til pubar/barar/diskotek er at aldersgrensa for tilgjenge til staden blir sett til 18 år når det gjeld stader med skjenking av øl og vin og 20 år der det er skjenking av brennevin i tillegg.

2.2 Definisjonar – driftskonsept for skjenkestader

Søkjjar skal presentere eit driftskonsept, og driftskonseptet kan ikkje fråvikast utan at det blir søkt om nytt løyve. Ein tenkjer her på verksemder som presenterer eit konsept der det inngår servering av mat frå eige kjøken, og som etter ei tid endrar konseptet på ein måte som gjer at skjenking av alkohol blir meir vesentleg enn det som det i utgangspunktet var lagt opp til.

Restaurant

Ein restaurant har servering ved borda, kjøkken og ein meny i eit visst omfang med bl.a. varme middagsrettar. Det er ikkje spesielle krav til aldersgrense. Slike skjenkestader bør kunne få løyve til å skjenke øl, vin og brennevin.

Kafé

Vanlegvis inga servering ved borda, og mattilbodet omfattar ikkje alltid varm mat. Ingen krav til aldersgrenser. Slike verksemder kan få skjenkeløyve for øl, vin og brennevin til slutta lag, men det skal ikkje gis alminneleg skjenkeløyve. Vidare at kafear kan få alminneleg skjenkeløyve for øl og vin, og i samband med slutta selskap kan løyvet også omfatte brennevin.

Pubar og diskotek

Andre skjenkestader omfattar pubar, diskotek og nattklubbar. Pubar skal ha tilbod om matservering, t.d. i form av à la carte meny. Stader som ynskjer å ha 18 års aldersgrense, kan få løyve til øl og vin. Verksemder som ynskjer å ha 20 års aldersgrense, kan få løyve til å servere brennevin. Aldersgrensene vert å ta inn i vedtaka som eit eige vilkår.

Det vil då vere eit brot på vilkåret dersom 16 – 17 åringar får tilgjenge til lokale med skjenkeløyve for øl og vin, uavhengig om desse blir skjenkt alkohol eller ikkje. Det same gjeld for personar under 20 år på skjenkestader med brennevin. Slike brot kan føre til at løyvet vert inndradd.

Kravet om aldersgrense gjeld så lenge lokalet er eit skjenkelokale. Dette medfører at det ikkje kan arrangerast tilstellingar for gjester under aldersgrensene, og gjeld sjølv om det ikkje skal skjenkast alkohol ved eit konkret arrangement. Slike vedtak fører til auka krav til å kontrollere kven som får tilgjenge til skjenkestaden. Ansvar for forsvarleg vakthald i lokala og ved inngangen til lokala, kviler på løyvehavar. Dersom det blir arrangert selskap for slutta lag i verksemda eller alkoholfrie arrangement, vil det ikkje vere aldersgrenser ved tilstellinga (jfr. k.sak 088/01).

Ungdomsdiskotek

Ungdomsdiskotek har stort sett eit ungt publikum og skal ikkje ha skjenkeløyve.

Idretts- og samfunnshus

Samfunns- og idrettshusa blir nytta til ymse tilstellingar i lokalsamfunna, m.a. tilskipingar for ungdom. Husa blir også leigde ut til selskapslokale i samband med bryllaup og jubileum. Det skal ut frå generelle edruskapsomsyn ikkje innvilgast ambulerande skjenkeløyve til ungdomsarrangement i samfunns- eller idrettshusa. Dersom det blir gitt ambulerande løyve, skal aldersgrensa setjast til 20 år. Som hovudregel skal samfunns- og idrettshusa vere alkoholfrie, men det kan innvilgast ambulerande løyve for skjenking av øl, vin og brennevin når husa blir leigd ut til bryllaup og jubileum.

2.3 Rusfrie arrangement

Rusfrie arrangement bør ikkje lokaliserast til skjenkestadene fordi det ikkje bør opparbeidast ei tilknytning mellom skjenkestadene og ungdom under 18 år. Det er viktig at slike arrangement blir lagt til lokale som kan knytast til eit totalt rusfritt miljø. Her må kommunen vere villig til å stille lokale til rådvelde, t.d. Giske idrettshall, Godøy idrettshall og Frivillegsentralen.

Alminneleg skjenkeløyve kan ikkje påreknast i følgjande situasjonar/område:

- Serveringsstader i tilknytning til idrettsanlegg, idrettshallar, barn og unge sine fritidsaktivitetar mv.
- Serveringsstader som ligg like ved skular og barnehagar
- Ved tilskipingar der ein stor del av målgruppa er barn og unge under 18 år
- I byggjefelt

- Campingplassar
- Serveringsverksemdar som ligg oppe til i kjøpesenter og som er samlingsstad for barn og unge

Sjå også avsnitt 2.2 om ungdomsdiskotek, idretts- og samfunnshus.

2.4 Skjenking utandørs

Frå tid til annan vil det bli søkt om skjenking ute, t.d. på terrasse i tilknytning til skjenkearealet. Det kan ikkje utformast generelle reglar på dette området. Ved behandling av søknaden skal følgjande tilhøve tilleggjast vekt:

- Lokalisering av skjenkestaden
- Om skjenking ute vil føre til uro for naboar og andre i nærområdet
- Kontrollomsyn – er det mogleg å avgrense skjenkearealet
- Storleik og utforming på skjenkestaden som kan gjere det vanskeleg for personalet å halde oversikt og vanskeleg for kommunen å drive effektiv kontroll.

Når det gjeld utandørs servering skal det leggjast vekt på kva type nærmiljø skjenkestaden er lokalisert i. Bustader skal skjermast med tanke på eit rusfritt miljø for barn og ungdom under 18 år. Vidare skal det leggjast vekt på behovet for nattero i område der det bur folk.

2.5 Ambulerande skjenkeløyve og skjenking ved einskilde høve

Det kan gjevast ambulerande skjenkeløyve for øl, vin og brennevin til slutta selskap, jf. §4-5. Ambulerande løyve er tenkt nytta ved bryllaup, jubileum og liknande tilskipingar.

I Giske kommune skal det ikkje vere meir enn 4 ambulerande løyve for øl, vin og brennevin til deltakarar i slutta lag, jfr. Retningsliner for tildeling av ambulerande løyve (k.sak 165/11).

Med slutta lag er det meint at før skjenkinga tek til, er danna ein slutta krets av personar, som kjem saman for eit bestemt føremål i eit bestemt lokale. Løyvet kan utøvast på stader som blir godkjende for eit enkelt høve. Løyve til å skjenke brennevin vert berre gitt saman med løyve til skjenking av øl og vin. Det er ikkje noko krav at det skal innhentast uttale frå politiet og sosialsektoren før løyvet blir gitt.

Det bør kunne gjevast sals- og skjenkeløyve for ein viss del av året, eller for eit einskilt høve, jf. § 1-6 i alkohollova. Skjenkearealet bør også kunne utvidast for eit bestemt høve.

Normaltid for sal og skjenking skal gjelde i slike saker.

2.6 Omsyn ved saksbehandling av søknader om sals- og skjenkeløyve

Med heimel i § 1-7a i alkohollova kan kommunen leggje vekt på fleire omsyn når det skal tildelast sals- eller skjenkeløyve. Det kan mellom anna leggjast vekt på talet for sals- og skjenkestader, lokalisering, målgruppe, kva type verksemd det er, trafikk- og ordensmessige tilhøve, næringspolitiske omsyn samt omsyn til lokalmiljøet. Vilkåret må ha sakleg samanheng med det løyvet som blir gitt, t.d. skal det fremje føremålet med alkohollova, lette kontrollen eller redusere skadeverknadene ved sal av alkoholhaldig drikk.

Avgjersler av søknader om løyve byggjer på skjønn, med vide rammer for kva for omsyn ein kan leggje vekt på. § 1-7a nemner eit utval av dei vanlegaste momenta, men opprekninga er ikkje fullstendig. Generelt kan ein seie at alle omsyn som fremjar føremålet med alkohollova, er relevante. Ein kan også til ein viss grad leggje vekt på andre omsyn enn dei som direkte fremjar føremålet med lova. Men avgjersla må takast på sakleg grunnlag. Kommunen står svært fritt når det gjeld å ta færre omsyn, dvs. å praktisere eit snevrare skjønn enn lova gjer. § 1-7a er med andre ord ikkje ei opprekning av omsyn som kommunen pliktar å leggje vekt på. Vilkåret må ikkje vera urimeleg tyngjande eller urimeleg av andre grunnar. Det er ein samanheng mellom desse to krava: Dess klarare vilkåret fremjar føremålet med lova, dess tyngre vilkår kan ein akseptere.

Når det gjeld skjenkestader som er lokalisert i nærleiken av bumiljø, må det også takast omsyn til natteroa. Differensierte skjenketider vil føre til at folk flyttar seg mellom skjenkestadene, og at skjenkestadene med utvida skjenketid får eit konkurransefortrinn. Dersom det likevel blir gjort vedtak om å utvide skjenketidene ut over normaltida, vil ein tilrå at skjenketida blir knytt til kva type verksemd/konsept det er, og at kommunen opprettheld like skjenketider for alle pubar, spiserestaurantar osb. Skjenketid skal vere avslutta seinast 30 minutt før stengetid. Det er ikkje lov til å konsumere alkohol i lokalet meir enn 30 minuttar etter at skjenketida er slutt.

Der matsservering er ein vesentleg del av konseptet, bør det kunne innvilgast skjenkeløyve. Nyetableringar må presentere eit konsept som viser at alkoholhaldige drikkevarer ikkje er den mest vesentlege del av tilbodet. Når mattilbodet inngår i konseptet kan det ikkje takast vekk utan at det vert søkt på nytt.

2.7 Gebyr, kontroll, reaksjonar

2.7.1 Generelt

Kommunen skal med heimel i alkohollova § 7-1 fastsetje gebyr for sals- og skjenkeløyve. Kapittel 11 i forskrifta tek for seg utrekningsmåten og minstegebyret. Minstegebyret skal sikra kommunen ei viss dekning av utgifter til behandling av søknader og kontroll.

2.7.2 Gebyr for sal og skjenking

Det skal betalast gebyr for sal og skjenking fastsett i forskrift til alkohollova. Storleiken på gebyra skal utreknast i høve dei til ei kvar tid gjeldande maksimalsatsar fastsett i forskrift til alkohollova. Minste gebyrsatsen som skal betalast er minstegebyret, uansett når på året løyvet blir gitt. Gebyret skal først og fremst dekkje dei utgiftene kommunen har til kontroll med sals- og skjenkeløyva, men inntektene kan også nyttast til å dekkje kommunen sine utgifter til saksbehandling samt førebyggjande tiltak.

Løyvehavar skal innan 31.01. kvart år sende inn oppgåve over forventa omsett mengde alkoholhaldig drikk. Gebyret skal betalast på forskot for eitt år i gongen og skal vere innbetalt innan 01.03. kvart år.

Ved utgangen av året skal løyvehavar sende inn oppgåve som er stadfesta av revisor over faktisk omsett mengd alkohol. Dette for å sikre eit objektivt grunnlag for innbetaling av kommunal alkoholavgift. Dersom det føreligg avvik, vil kommunen foreta etterberekning og etteroppgjer.

2.7.3 Kontroll med sals- og skjenkeløyve

Den kommunale kontrollen med sals- og skjenkeløyve er avgjerande for ein god alkoholpolitikk. Kontrollen med korleis løyvet blir brukt, er svært ofte eit effektivt verkemiddel mot dei vanlegaste problema rundt alkoholomsetning, slik som overskjenking, vald og fyll på offentlege stader.

Formannskapet har ansvar for kontrollen med kommunale sals- og skjenkeløyve. I tillegg til å gi reaksjon ved brot på alkohollova eller andre lover som har samband med formålet til alkohollova, skal formannskapet sjå til at kontrollverksemda blir fylgt opp på ein tilfredsstillande måte. Spørsmålet om inndraging av sals- og skjenkeløyve skal avgjerast av formannskapet.

Kommunen har for tida avtale med Securitas AS om kontroll, og det blir føretatt kontrollar utan at verksemda er varsla på førehand. Etter gjeldande avtale skal kontroll utførast minimum 3 gonger i året, men det kan også gjerast avtale om ekstra kontrollar. Kontrollen kan utførast både ope og anonymt. Seinast ved avslutning av kontrollbesøket skal kontrollørane presentere og legitimere seg overfor den som har ansvaret på staden.

Kontroll av sals- og skjenkestader skal omfatte:

- føre tilsyn med at løyvehavarane følgjer alkohollova, vilkåra i løyvet og dei kommunale retningslinjene elles.

Skjenkekontrollen i kommunen bør først og fremst legge vekt på å kontrollere:

- sals- og skjenketidene
- aldersgrense-reglane

- om det blir selt eller skjenkt til tydeleg rusa personar
- rettleie løyvehavarane om føresegnene i alkohollova og eventuelle lokale forskrifter
- leggje grunnlag for sanksjonar, t.d. inndraging, dersom lov, vilkår eller retningslinjer blir brotne
- overhalding av reklameforbodet
- omsetning av narkotika på skjenkestadene
- konsum av medbragt alkohol på skjenkestadene

Kontrollørane skal utarbeide skriftleg rapport om kontrollbesøka. Seinast ei veke etter at kontrollbesøket er føretatt, skal rapporten sendast til løyvehavar som får 2 veker på seg til å eventuelt å kommentere rapporten

2.7.4 Reaksjonar ved brot på forskrifta

Brot på forskrifta mindre alvorlege brot kan mellom anna vere:

- Brot på reklameforbodet
- Tilgjenge til skjenkestaden for synleg rusa
- Skjenking til bord med synleg rusa person til stades
- Inntak av medbragt alkoholhaldig drikk
- Tek med alkoholhaldig drikk når ein forlat skjenkestaden
- Manglar alkoholfrie alternativ

Denne opplistinga er rettleiande. Det kan vere andre brot på føresegnene som kan få konsekvensar for løyvehavar i form av inndraging.

Alvorlege brot kan mellom anna vere:

- Sal/skjenking til personar under alderskravet
- Sal/skjenking til overstadig rusa person
- Brot på sals- og skjenketida
- Narkotikaomsetnad på skjenkestaden
- Manglande innbetaling av sals- og skjenkegebyr etter gjentatt purring
- Brot på vandelskrav etter § 1-7 b i alkohollova i perioden som løyvet gjeld for.

2.7.5 Rettleiande reaksjonsmønster ved brot på lov og forskrift

Lovheimel

Alkohollova gjev løyvestyresmaktene høve til å inndra eit løyve etter § 1-8 dersom ein løyvehavar bryt føresegnen i alkohollova. Kommunen kan og melde brotet. Generelt sett er løyvehavar ansvarleg for at sal og skjenking av alkoholhaldig drikk føregår på ein slik måte at

skadeverknadene blir avgrensa og alkoholpolitiske og sosiale omsyn blir ivaretatt på best mogleg måte. (jfr. Alkohollova § 1-1).

§ 1-8 i alkohollova regulerer tilhøve der det er høve til å inndra sals- eller skjenkeløyve for eit tidsrom eller for resten av perioden løyvet var gitt for. Det er hovudsakleg brot på alkohollova som gir grunnlag for inndraging av kommunale løyve. Dette gjeld ikkje berre bestemmelsane knytt til sal og skjenking. Andre brot på reglane i alkohollova, som for eksempel reklameforbod og manglande innbetaling av gebyr, er i utgangspunktet inndragingsgrunn. Det same gjeld også narkotikaomsetnad på skjenkestanden.

Kommunen står fritt til å vurdere kor restriktiv ein skal vere når det gjeld inndraging. Det må då takast ei avgjersle der det blir tatt omsyn til kor grove brot det er snakk om, kor ofte det har skjedd samt preventive omsyn.

2.7.6 Reaksjonsmønster i Giske kommune

Kommunen må utøve forvaltningsmessig skjønn i samband med inndraging av sals- eller skjenkeløyve.

Alvorlege tilhøve:

- Ved første gongs brot skal reaksjonen vere inndraging for ei veke.
- Ved brot andre gong skal reaksjonen vere inndraging for ein måned.
- Ved brot for tredje gong skal løyvet inndragast frå 1 måned til resten av perioden løyvet er gitt for.

Mindre alvorlege tilhøve:

- Første gong skal det reagerast med ei skriftleg åtvaring.
- Andre gongen skal det reagerast med inndraging i ei veke.
- For brot 3. gong og ut over dette skal det reagerast med inndraging frå ei veke til ein måned.

Gebyr for sals- og skjenkeløyve:

Ved manglande innsendt oppgåve over omsett mengde alkohol eller manglande innbetaling av gebyr, blir løyvet inndradd etter 2. gangs purring og gjeld fram til oppgåve ligg føre eller gebyret blir innbetalt.

Brot på vandelskrav:

Brot på vandelskrava kan føre til inndraging for resten av perioden løyvet er gitt for. Brotet må vurderast i medhald av § 1-7 B i alkohollova, og her må det brukast skjønn.

Ambulerande skjenkeløyve:

Ved brot på vedtektene der det er gitt ambulerande skjenkeløyve vil løyvehavar ikkje kunne få nytt løyve i løpet av dei inntil 6 mndr. Ved gjentatt brot kan løyvehavar misse retten til ambulerande skjenkeløyve for inntil 3 år.

2.8 Delegering av mynde i Giske kommune

2.8.1 Generelt om delegering

Vedtak som i samsvar med § 1-12 andre ledd i alkohollova kan delegerast til formannskapet, faste utval og rådmannen:

- skifte av styrar og avløyssar
- inndraging av løyve
- tildeling av ambulerande løyve etter § 4-5 og løyve for eit einskilt høve etter § 1-6
- utviding av skjenkjetid for eit einskilt høve
- utviding av skjenkelokale for eit einskilt høve
- fastsetjing av gebyr for løyve
- vedtak om å avslå søknad om løyve når taket på talet på sals- og skjenkeløyve er nådd

Desse vedtaka kan berre delegerast til formannskapet:

- tildeling av løyve, medrekna tildeling av løyve for ein viss del av året, etter § 1-6
- tidsavgrensingar for sal og skjenking
- omgjerung av løyve med fastsetjing av nye vilkår

Løyvesystemet er eit viktig alkoholpolitisk instrument. Derfor skal kommunestyret, som det øvste politiske organet i kommunen, gjere dei fleste vedtak etter alkohollova.

Det er avgrensa høve til å delegerare myndet til å gjere slike vedtak. Ein rår til at det vert lagt til rette for ei maksimal delegering slik at det kan etablerast rasjonelle saksbehandlingsrutinar.

Alkoholpolitisk handlingsplan skal behandlast av kommunestyret, og planen er eit styringsverktøy for alkoholpolitikken i planperioden.

2.8.2 Delegering av mynde i saker etter alkohollova

Jfr. delegeringsreglement for Giske kommune:

A. Kommunestyret sitt mynde

Mynde på saksområde som ikkje er lagt til andre etter lova eller er delegert til andre, må utøvast av kommunestyret - jf. [kommunelova § 6](#).

Kommunestyret delegerer **ikkje** sitt mynde etter følgjande paragrafar i lova:

- [§ 1-6, Bevillingsperioden](#)
Gje bevilling for sal og skjenking av alkoholhaldig drikk for ein bestemt del av året etter 2. ledd, siste setning i paragrafen.
- [§ 1-7d, Kommunal alkoholpolitisk handlingsplan](#)
Vedta alkoholpolitisk handlingsplan.
- [§ 1-7, Bevilling for salg og skjenking](#)
1.ledd: Gje skjenkebevilling eller løyve til sal av alkoholhaldig drikk for gruppe 2 og 3 for ein periode på inntil 4 år om gongen – jf. *§ 1-6, 1. ledd*. Tilsvarande gjeld for skjenkebevilling eller løyve til sal av annan alkoholhaldig drikk for ein periode på inntil 4 år – jf. *§ 1-6, 2. ledd*.
5. ledd: Delegere mynde til å gje skjenkebevilling til interkommunal samanslutning.
- [§ 3-3, Fastsettelse av antall salgsbevillinger for AS Vinmonopolet](#)
Fastsetje det høgste tal på salsbevillinger for AS Vinmonopolet innan kommunen og godkjenne kor desse skal etablerast i kommunen.
- [§§ 3-7 og 4-4, Tidsinnskrenkingar/-utvidingar for sal/skjenking](#)
Vedta tidsinnskrenkingar/-utvidingar for sal og skjenking etter desse reglane.
Unntak gjeld vedtak for utvida skjenketid **for eit enkelt høve** som er delegert til formannskapet – sjå nedanfor.
- [§ 7-1, Bevillingsgebyrene](#)
Vedta betalingsregulativ for sal/skjenking av alkoholhaldig drikk.

B. Delegering frå kommunestyret

- - Jf. § 1-6, 2.ledd, Bevillingsperioden, i lova

Rådmannen gjev bevilling for skjenking av alkoholhaldig drikk for eit enkelt høve i saker som vert rekna for å vere kurante. **Formannskapet** gjev bevilling for skjenking av alkoholhaldig drikk for eit enkelt høve i saker som ikkje vert rekna for å vere kurante.

- - Jf. § 1-7c, Styrever og stedfortreder, i lova

Rådmannen godkjenner styrar og avløysar etter denne paragrafen. Tilsvarande gjeld også å gjere unntak frå kravet om avløysar.

- - Jf. § 1-8, Inndraging av salgs- og skjenkebevillinger, i lova

Formannskapet gjer vedtak om inndraging av bevilling dersom vilkåra etter § 1-7b ikkje lenger er oppfylte, eller dersom bevillingshavar ikkje oppfyller sine plikter etter alkohollova/forskrifter gjevne i medhald av denne lova. Det same gjeld ved brot på reglar gjevne i medhald av anna lov når desse har samanheng med formåla i alkohollova.

- Jf. § 1-9, Kontroll med salgs- og skjenkebevillinger, i lova

Rådmannen fører kontroll med kommunale bevillingar.

- - Jf. § 4-2, 4.ledd, Omfanget av bevillinga, i lova

Formannskapet gjev løyve til utviding av bevilling til å gjelde utanfor skjenkestaden ved eit enkelt høve.

- - Jf. § 4-4, 3.ledd, Tidsinnskrenkninger for skjenking av alkoholholdige drikker, i lova

Formannskapet gjer vedtak om utviding av skjenketida ved eit enkelt høve.

- - Jf. § 4-5, Ambulerende skjenkebevilling, i lova

Rådmannen gjev løyve til å nytte ambulerande skjenkebevillingar gjevne av kommunestyret etter denne paragrafen.

- - Jf. § 5-2 i Forskrift om omsetning av alkoholholdig drikk mv. (om kunnskapsprøver)

Rådmannen gjennomfører kunnskapsprøver etter denne paragrafen.

- - Jf. § 7-1 i Forskrift om omsetning av alkoholholdig drikk mv. (om bevillingsgebyr)

Rådmannen fastset bevillingsgebyr i det enkelte høve i samsvar med regulativ vedteke av kommunestyret, og kap. 6 i forskrift om omsetning av alkoholholdig drikk mv.

Jf. forskrift til [§ 7-1: Forskrift om omsetning av alkoholholdig drikk mv.](#)

- - Jf. § 9-1 i Forskrift om omsetning av alkoholholdig drikk mv. (kontroll med skjenkestadane)

Rådmannen gjennomfører kontroll etter denne paragrafen (kan bruke eksterne kontrollørar).

- - Jf. § 9-3 i Forskrift om omsetning av alkoholholdig drikk mv. (opplæring kontrollørar)

Rådmannen gjennomfører opplæring etter denne paragrafen.

C. Klage

Fylkesmannen er klageorgan for kommunale enkeltvedtak gjorde etter lova med tilhøyrande forskrifter.

D. Rapportering

Vedtak gjorde av rådmannen etter delegert mynde skal rapporterast til **formannskapet**.

Fastsetting av bevillingsgebyr i samsvar med betalingsregulativet vert ikkje rapportert.

Vedtak gjorde av **formannskapet** etter delegert mynde skal rapporterast til **kommunestyret**.

Vedlegg:

RETNINGSLINER FOR TILDELING AV AMBULERANDE SKJENKELØYVE

1. Giske kommune har fire ambulerande skjenkeløyve for øl, vin og brennevin. Løyve til brennevin kan berre gjevast dersom det også blir gitt løyve til øl og vin.
2. Ambulerande skjenkeløyve kan berre gjevast til skjenking ved slutta lag, jfr. alkohollova § 4-5.
3. (stroke)**.
4. Søknad om ambulerande skjenkeløyve skal sendast til Giske kommune minst 14 dagar før tilskipinga skal finne stad.
5. Serveringsbedrifter, forsamlingshus, organisasjonar, private og offentlege bedrifter kan få løyve.
6. Det bli ikkje gitt ambulerande løyve til kommunale bygg med unntak av kommunale kulturhus. ***
7. Søknaden må innehalde opplysningar om kven som skal stå som arrangør og kva tilstelling løyvet gjeld for, type alkoholhaldige drikke det vert søkt om løyve for og skjenkestad, dato og tidsrom (klokkeslett) for løyvet. Kommunen sitt søknadsskjema skal nyttast.
8. Rådmannen har avgjerdsmynde ved søknader om ambulerande løyve.
9. Søknader om tildeling av ambulerande skjenkeløyve skal behandlast etter reglane i alkohollova og forvaltningslova. Avslag på søknad skal grunngjevast. Det er klagerett på vedtaket. Klage skal gå via Formannskapet. Fylkesmannen er klageinstans, jfr. alkohollova § 1-16.
10. Skjenkeløyvet vert gitt for kvart einskild høve. Dei som får tildelt løyve er pliktige til å rette seg etter det som går fram av alkohollova når det gjeld skjenking og kontroll. Brot på dette vil føre til at nye løyve ikkje blir gitt.
11. I medhald av gjeldande forskrift til alkohollova vert det kravd gebyr. Forskriftene i alkohollova regulerar til ei kvar tid storleiken på gebyret. For tida er gebyret på kr 250*.
12. Gebyret må vere innbetalt før løyvet kan vere gyldig. Ved kontroll må betalt gebyr framvisast.
13. Kontrollutvalet i kommunen har ansvar for kontroll med dei ambulerande skjenkeløyva. Vedtak om ambulerande løyve skal sendast kontrollør-organ for mogleg oppfølging og kontroll.

VEDTAK

K.sak 055/04

*endra i k.sak 165/11

**endra i k.sak 082/12

***endra i k.sak 068/15